

Майяна хүнү — студентилерниң байырлалы

Эң-не солун чалыы назын

Бүгү ыдыктыгларның камгалакчызы ыдыктыг Татьянаны ады-биле бо хүнү адаан. Ол хүн төрүттүнген уругларны Татьяна деп адап турганы чугаажок. Ынчангаш даарта Татьяналарның дөгезинге байырлал-дыр. Ыдыктыг Татьяна Москваның Күрүнэ университетинин база камгалакчызы болуп турар, чүге дизе ол хүнде МКУ-ну ажыдар дугайында доктаалга ат салган болуп турар. Оон бээр-ле декабрьның 25—эртэм-билигге чүткүлдүг бүгү кижилерниң, студентилерниң, байырлалы апарган.

Тыва Республиканың өөредилге черлеринде ниитизи-биле бөгүн 16 муң студентилер өөренип турар, а Тывадан дашкар 6 муң. Тываның студентилери боттарының байырлал хүнүн канчаар уткуп турарын бөгүнгү «Шынның» арнында оларның чагааларындан билип ал болур силер. Оон аңгыда бистиң

студентилеривис шупту катчып алгаш, солун оюн-тоглаа, спортчу маргылдааларны, янзы-бүрү мөөрейлерни эрттирип турар.

Дүүн С.Пюрбю аттыг Улусчу чогаадылга бажыңыга Студентилер байырлалына тураскааткан солун дыштанылга кезээзи болуп эрткен. Аңаа найысылал Кызылдың дээди, ортумак өөредилге черлериниң студентилери мага хандыр дыштанып, ойнап-хөглээ. Салым-чаянныг аныяк ыраажыларның, брейд-данс «Бузут», Брейк-Сити танцы бөлүктөрүнүн, «Парни смеха» КВН командазының солун күүселделерлиг концертин аныяктар улуг өөрүшкү-биле көргөн. Оон аңгыда бүгү өөредилге черлеринге дыштанылга кезээлери, хоорайның клубтарына дискотекалар студентилерни хөглеткен.

Ам студентилер чагааларын силерге сонуургаттывыс.

ААС ЧОГААЛ — ЧАЛГЫНЫМ

Мындыг эгелиг чагааны редакцияже Аясмаа Өпей чоруткан. Ол — Кызылдың уран чүүл училищезиниң сургуулу. Бо чайын кирериниң экзаменнерин чедишкенин дужагааш, бирги курста өөренип турар.

Аясмаа бичиизинден-не уран чүүлге сонуургалдыг, салым-чаянныг өг-бүлөгө төрүттүнген болгаш уран чүүл училищезин шилип алганы чугаажок. Ооң ачазы Андрей Өпей — Бай-Тайганың Кара-Хөл чурттуг. Бүгү назынында Тээлиниң Культура бажыңыга ажылдап келген. Ол салым-чаянныг ыраажы, кайгамчык хөөмейжи. Уран чүүлдү сайзырадып, аныяк-өскөн ортузунга суртаалдап келгени дээш ол «Тыва Республиканың культуразының алдарлыг ажылдакчызы» хүндүлүг атты чедип алган.

Аясмаа ада-иези болгаш дуңмалары-биле чажындан школа дооскуже чедир өг-бүлө фестивальдарына, уран чүүл мөөрейлеринге киржип келген. Өпейлерниң салым-чаянныг өг-бүлезин «Үстүү-Хүрээ» дириг хөгжүм мөөрейинге бир тускай номинацияга тилекчи болганының херечизи болганымы сактып ор мен. Ынчангы школачы Аясмаа ам студент апарганы өөрүнчүг-дүр. Аңаа эки өөредилгени, чогаадыкчы чедишкенин күзеп каалы. Аясмаа адазының изин изеп, келир үеде Тываның уран чүүл улам сайзырадыр кадрларының бирээзи болур дээрзинге идегел улуг. Эки өөрөн, Аясмаа!

«Шынның» культура килдизи.

Экии, хүндүлүг «Шын» солунуң редакциязы!

Силерниң бүгү ажылдакчыларыңарга журналистчи чедишкенин кизедим.

Мен «Шын» солунче бир дугаар чагаа бижип олур мен. Кызылдың уран чүүл училищезиниң бирги курзунда өөренип тур мен. Студентилер хүнү таварыштыр училищедө кады өөренип турар эштеримге солун дамчыштыр байыр чедирерин чөпшээр көрүңер. Бистер эң-найыралдыг, бир демки өөренип тур бис. Шупту уран чүүлге ынак бис, училищени дооскаш, тускай мергежилдиг кадрлар бооп, Тывавыстың культура албан черлериниң ажылдакчылары болур кизелдиг бис.

Бистиң училищедө аас чогаал бөлүгү тургустунган, ооң кежигүннери бис. Тыва улустун хөгжүм херекселдеринге ойнап, улустун ырларын ырлап тур бис, а хөөмей-сыгытты оолдарымыс тааланчыг кизедип турар. Чаа-ла бирги курста өөренип турарда болзубууса, хоорай байырлалдарына киржип, ол-бо черлерге концерттерни чидүрчү, чалаттырып турар апарганымыс өөрүнчүг-дүр. Аас чогаал, уран чүүл бисти улам чалгынналдырган. Училищеге өөренири дыка солун-дур. Кызылдың уран чүүл училищезин Тываның кандыг алдарлыг

кижилери дооспаан дээр! Оларның соон салгап, училищениң сургуулдары болганымыска чоргаарланып чор бис. Бо чартык чылдың дургузунда безин дыка-ла хөй чүлдери билеп алдымыс. Өөренири солун-даа, берге-даа-дыр. «Чүгле кызымаккай, чүткүлдүг, бот-кичээлдеринче бодун чагырып билир кижилер училищени доозуп шыдаар» дээн башкыларымыс чагыс-сөзүн утпайн чор бис. Шынап-ла, бот-кичээлге хөй це негетинер дээрзин билдивис. Ынчангаш уран чүлдүң кижилери дээрге чүгле ырлап, танчылаар амыр улус деп бодап чоруур улус бар чадавас, ол ындыг эвес, теория кырында хөй билигни чедип ап, практика кырында хөй кичээл-дээрден дыка хамааржыр.

Башкыларымыска четтиргенивисти илередиң ор мен. Өөредиринден аңгыда, бистерни культурлуг дыштандырып, солун уткалыг, янзы-бүрү темаларлыг кезээлери башкыларымыс эрттиржип турар. Ол бүгү назынымыста утундурбас болушкуннар болуп артар боор.

Студентилеп, өөренир ааскежиктиг болганымыс ада-иевистиң ачы-буяны дээрзин база билип чор бис. Ынчангаш студент чылдар солун болзун дээш идепкейлиг болур ужурлуг.

Аясмаа ӨПЕЙ,
студент.

АЛДАН ХАРЛЫГ ТЕХНИКУМДА



Тываның көдээ ажил-агый техникуму — найысылалывыстың хоочун өөредилге черлериниң бирээзи. Чоокта чаа ол 60 чыл болган юбилейин демдегеп эрттирген байырлалга Тыва Республиканың ат-сурагы кижилери аалдап кээп киришкен. Ылаңгыя Москвадан аалчы Россияның Маадыры Сергей Күжүгетович Шойгу-биле ужуражылга утундурбас солун болушкун болуп арткан.

Юбилейге техникумнуң башкылары-даа, студентилери-даа ыяк белеткенип, арыг-силгилип, ногаанчыдылганы кылып, хөй ажылды кылган. Аалчыларга солун программалыг концертти студентилер бараалгаткан.

Студентилер байырлалы — Татьяна хүнүнде техникумууска база солун дыштанылга кезээзи болуп эртер. Аңаа бөлүк бүрүзү идепкейлиг киржир дээш, шагдала белеткенип эгелээ бис.

Байырлалдың кол өзээ — Татьяналар мөөрейи. Чүге дизе ол хүн оларның хүнү болгай. Мерген угаанныг, иштики болгаш дашты-

кы делегейи чараш, мөзү-бүдүштүг, бодун шын ап билир Татьянаны — чараш кысты шилир бис.

Техникумга солун дыштанылга кезээлери уран чүүл удурткучу башкымыс Кара-кыс Шыды-

тиг арга-дуржулгалыг башкымыстыр. Башкымыс солун кижилерни бөлүүвүс-биле ужуражылгаже чалап, биске ужураштырып турар.

Студентилер байырлалын таварыштыр бүгү студентилерге



раавна Ондар удуртуп эрттирип турар. Чогаадыкчы салым-чаянныг башкымыска ол дээш өөрүп мөгейбес аргавыс чок.

Бистиң фермер ажил-агыйның бөлүүнүң куратор башкымыс Светлана Сарыгларовна Хапылак — байлак дуржулгалыг башкыларның бирээзи. Ол Тывада көдээ ажил-агый талазы-биле баштайгы дээди эртемниглерниң бирээзи. Башкылаашкын ажылы-биле чергелештир солун практик-

изиг байыр! Татьяна хүнүн солун кылдыр эрттирээлиңер!

Лилия БАЗЫР,
техникумнуң доозукчу студентизи.

ЧУРУКТАРДА: Техникумга «Мода театры» мөөрейде чараш кыстар; С.С.Хапылактың фермерлер бөлүү Лазо Монгуш-биле ужуражылга үезинде.

Авторнуң тырттырган чуруктары.

ДААРТАГЫ СТУДЕНТИЛЕР



Кызылдың № 15 дугаар школа-лицейи республикада эң шыырак дээнериниң бирээзи. Республика, Россия чергелиг мөөрейлерге бо лицей удаа-

дараа тилекчи болуп келген. Мурнады хөгжүдөр национал төлөвилел «Өөредилгени» амыдыралга боттандырап талазы-биле чогаадыкчы ажылдар ында чоруп турар.

Бо эртип турар неделяда лицей республикадан келген өөредилге килдистериниң эргелекчилерин, школа директорларын болгаш башкыларны хүлээп ал, бодунун оран-савазын, чедишкенин, чаартылгаларын аалчыларына таныштырган.

Лицейниң бир чоргааралы — информатика кабинеди. Ол амгы үениң техниктиг дериг-херекселдери-биле четчеттинген. Компьютер технологиязының бүгү чажытарын уруглар ында өөренип турар. Оларның аразында келир үениң студентилери хөй деп дидими-биле чугаалап болур, чүге дизе оон доозукчулары олимпиадаларга тилекчи болгаш ТКУ-же шылгалда чок кирип ап турарлар.

ЧУРУКТА: информатика кабинетинде кичээл үези.
В.БАЛЧИЙ-ООЛДУҢ тырттырган чуруу.

